

煩惱所知障全求拔相如其所應此若無者

如是次第雜染還滅應不得成

何因緣故善不善法能感異熟其異熟果無覆無記由異熟果無覆無記與善不善互不

相違善與不善互相違故若異熟果善不善性雜染還滅應不得成是故異熟識唯無覆

無記

攝大乘論本卷上

聖教序

窺傾跡反鑑音鑒耶也庸愚上音苞必交反控告下含也石抑意力反毫釐下力之反十毫爲一毫爲一毫十釐爲一分凝魚陵反湛它滅反挹酌音色蠡尺尹反微鄙碑美反擗箇也惡也

蒸聲紛糾上芳文反下汝俱有反雜亂也奘法師名詎音巨嘆苦變反析先擊反翹渠遙反邁莫敗反馳驟下助備反深也疾瘦下助疾也瘦反闡昌濱反軌躅上俱水反綜總理子送反扃戶俱營反

聖記

穀砂大藏經

攝大乘論本

七

第五冊

所知相分第三  
已說所知依所知相復云何應觀此略有三種一依他起相二遍計所執相三圓成實相此中何者依他起相謂阿賴耶識爲種子虛妄分別所攝諸識此復云何謂身身者受者識彼所受識彼能受識出識數識處識言說

識自他差別識善趣惡趣死生識此中若自身者受者識彼所受識彼能受識出識數識處識言說識此由名言熏習種子若自他差別識此由我見熏習種子若善趣惡趣死生

阿笈下其葉反芭藤二字音巨勝黑胡麻也纈胡繡反班縉綺也絞絡上卷  
黠黎上巨蓋反柵汝審夏衣昆蟲下正作蠅置求反匈靡音彼反齶上音條下昌謹反匿尼力反

大末

嚴三

攝大乘論本卷中

無著菩薩造 積藏法師玄奘奉 詔譯

嚴四

識此由有支熏習種子由此諸識一切界趣雜染所攝依他起相虛妄分別皆得顯現如此諸識皆是虛妄分別所攝唯識爲性是無所有非真實義顯現所依如是名爲依他起相此中何者遍計所執相謂於無義唯有識中似義顯現

此中何者圓成實相謂即於彼依他起相由似義相永無有性此中身身者受者識應知即是眼等六內界彼所受識應知即是色等六外界彼能受識應知即是眼等六識界其餘諸識應知是此諸識差別

又此諸識皆唯有識都無義故此中以何爲喻顯示應知夢等爲喻顯示謂如夢中都無其義獨唯有識雖種種色聲香味觸舍林地山似義顯現而於此中都無有義由此唯顯應隨了知一切時處皆唯有識由此等言應知復有幻詭鹿愛翳眩等喻若於覺時一切

時處皆如夢等唯有識者如從夢覺便覺夢中皆唯有識覺時何故不如是轉真智覺時亦如是轉如在夢中此覺不轉從夢覺時此覺乃轉如是未得真智覺時此覺不轉得真智覺此覺乃轉

其有未得真智覺者於唯識中云何比知由

教及理應可比知此中教者如十地經薄伽梵說如是三界皆唯有心又薄伽梵解深密經亦如是說謂彼經中慈氏菩薩問世尊言諸三摩地所行影像彼與此心當言有異當言無異佛告慈氏當言無異何以故由彼影像唯是識故我說識所緣唯識所現故世尊

廣四

二

榮

若三摩地所行影像即與此心無有異者云何此心還取此心慈氏無有少法能取少法然即此心如是生時即有如是影像顯現如質爲緣還見本質而謂我今見於影像顯現如離質別有所見影像顯現此心亦尔如是生時相似有異所見影現即由此教理亦顯現

所以者何於定心中隨所觀見諸青瘀等所知影像一切無別青瘀等事但見自心由此道理菩薩於其一切識中應可比知皆唯有識無有境界又於如是青瘀等中非憶持識見所緣境現前住故聞思所成二憶持識亦以過去爲所緣故所現影像得成唯識由此

比量菩薩雖未得真智覺於唯識中應可比知如是已說種種諸識如夢等喻即於此中

眼識等識可成唯識眼等諸識旣是有色亦唯有識云何可見此亦如前由教及理

若此諸識亦體是識何故乃似色性顯現一類堅住相續而轉與顛倒等諸雜染法爲依處故若不余者於非義中起義顛倒應不得有此若無者煩惱所知二障雜染應不得有此若無者諸清淨法亦應無有是故諸識應如是轉此中有頌

亂相及亂體 應許爲色識 及與非色識  
若無餘亦無

嚴四

三

餘

何故身身者受者識所受識能受識於一切身中俱有和合轉能圓滿生受用所顯故何故如說世等諸識差別而轉無始時來生死流轉無斷絕故諸有情界無數量故諸器世界無數量故諸所作事展轉言說無數量故各別攝取受用差別無數量故諸愛非愛業

果異熟受用差別無數量故所受死生種種差別無數量故

復次云何安立如是諸識成唯識性略由三相一由唯識無有義故二由二性有相有見二識別故三由種種種種行相而生起故所以者何此一切識無有義故得成唯識有相見故得成二種若眼等識以色等識爲相似眼識識爲見乃至以身識識爲見若意識以一切眼爲最初法爲最後諸識爲相以意識爲見由此意識有分別故以一切識而生起故此中有頌

唯識二種種 觀者意能入 由悟入唯心

彼亦能伏離

又於此中有一類師說一意識彼彼依轉得  
彼彼名如意思業名身語業

又於一切所依轉時似種種相二影像轉謂  
唯義影像及分別影像又一切處亦似所觸  
影像而轉有色界中即此意識依止身故如

餘色根依止於身

此中有頌

若遠行獨行 無身寐於窟 調此難調心

我說真梵志

又如經言如是五根所行境界意各能受意  
爲彼依

又如所說十二處中說六識身皆名意處若  
處安立阿賴耶識識爲義識應知此中餘一  
切識是其相識若意識識及所依止是其見  
識由彼相識是此見識生緣相故似義現時  
能作見識生依止事如是名爲安立諸識成  
唯識性

嚴四

諸義現前分明顯現而非是有云何可知如  
世尊言若諸菩薩成就四法能隨悟入一切  
唯識都無有義一者成就相違識相智如餓  
鬼傍生及諸天人同於一事見彼所識有差  
別故二者成就無所緣識現可得智如過去  
未來夢影緣中有所得故三者成就應離功  
用無顛倒智如有義中能緣義識應無顛倒  
不由功用智真實故四者成就三種勝智隨  
轉妙智何等爲三一得心自在一切菩薩得  
靜慮者隨勝解力諸義顯現二得奢摩他修  
法觀者纔作意時諸義顯現三已得無分別  
智者無分別智現在前時一切諸義皆不顯  
現由此所說三種勝智隨轉妙智及前所說  
三種因緣諸義無義道理成就

若依他起自性實唯有說似義顯現之所依  
止云何成依他起何因緣故名依他起從自  
熏習種子所生依他緣起故名依他起生刹  
那後無有功能自然住故名依他起

若遍計所執自性依他起實無所有似義顯現云何成編計所執何因緣故名編計所執無量行相意識編計顛倒生相故名編計所執自相實無唯有編計所執可得是故說名編計所執

若圓成實自性是編計所執求無有相云何

嚴四

五

徐

成圓成實何因緣故名圓成實由無變異性故名圓成實又由清淨所緣性故一切善法最勝性故由最勝義名圓成實

復次有能編計有所編計編計所執自性乃成此中何者能編計何者所編計何者編計所執自性當知意識是能編計有分別故所以者何由此意識用自名言熏習爲種子及用一切識名言熏習爲種子是故意識無邊行相分別而轉普於一切分別計度故名編計又依他起自性名所編計又若由此相令依他起自性成所編計此中是名編計所執自性由此相者是如此義復次云何編計能

編計度緣何境界取何相貌由何執著由何起語由何言說何所增益謂緣名爲境於依他起自性中取彼相貌由見執著由尋起語由見聞等四種言說而起言說於無義中增益爲有由此編計能編計度

復次此三自性爲異爲不異應言非異非不異謂依他起自性由異門故成依他起即此

自性由異門故成編計所執即此自性由異門故成圓成實由何異門此依他起成依他起依他熏習種子起故由何異門即此自性成編計所執由是編計所緣相故又是編計所編計故由何異門即此自性成圓成實如

所編計畢竟不如是有故

此三自性各有幾種謂依他起略有二種一者依他熏習種子而生起故二者依他雜染清淨性不成故由此二種依他別故名依他起編計所執亦有二種一者自性編計執故二者差別編計執故由此故名遍計所執圓

成實性亦有二種一者自性圓成實故二者清淨圓成實故由此故成圓成實性復次偏計有四種一自性偏計二差別偏計三有覺偏計四無覺偏計有覺者謂善名言無覺者謂不善名言

如是偏計復有五種一依名偏計義自性謂

六

徐

如是名有如是義二依義偏計名自性謂如是義有如是名三依名偏計名自性謂偏計度未了義名四依義偏計義自性謂偏計度未了名義五依二偏計二自性謂偏計度此名此義如是體性

復次摠攝一切分別略有十種一根本分別

謂阿賴耶識二緣相分別謂色等識三顯相分別謂眼識等并所依識四緣相變異分別謂老等變異樂受等變異貪等變異逼害時節代謝等變異捺落迦等諸趣變異及欲界等諸界變異五顯相變異分別謂即如前所說變異所有變異六他別分別謂聞非正法

類及聞正法類分別七不如理分別謂諸外道聞非正法類分別八如理分別謂正法中聞正法類分別九執著分別謂不如理作意類薩迦耶見爲本六十二見趣相應分別十散動分別謂諸菩薩十種分別一無相散動二有相散動三增益散動四損減散動五一性散動六異性散動七自性散動八差別散動九如名取義散動十如義取名散動爲對治此十種散動一切般若波羅蜜多中說無分別智如是所治能治應知具攝般若波羅蜜多義

若由異門依他起自性有三自性云何三自

嚴四

七

徐

性不成無差別若由異門成依他起不即由此成偏計所執及圓成實若由異門成偏計所執不即由此成依他起及圓成實若由異門成圓成實不即由此成依他起及偏計所執復次云何得知如依他起自性偏計所執

自性顯現而非稱體由名前覺無稱體相違

故由名有衆多體相違故由名不決定雜體相違故此中有二頌  
由名前覺無 多名不決定 成稱體多體  
雜體相違故 法無而可得 無染而有淨  
應知如幻等 亦復似虛空  
復次何故如所顯現實無所有而依他起自

性非一切一切都無所有此若無者圓成實

自性亦無所有此若無者則一切皆無若依  
他起及圓成實自性無有應成無有染淨過  
失既現可得雜染清淨是故不應一切皆無

此中有頌

若無依他起 圓成實亦無 一切種若無

恒時無染淨

諸佛世尊於大乘中說方廣教彼教中言云  
何應知徧計所執自性應知異門說無所有  
云何應知依他起自性應知譬如幻燄夢影  
光影谷響水月變化云何應知圓成實自性  
應知宣說四清淨法何等名爲四清淨法一

者自性清淨謂真如空實際無相勝義法界  
二者離垢清淨謂即此離一切障垢三者得  
此道清淨謂一切菩提分法波羅蜜多等四  
者生此境清淨謂諸大乘妙正法教由此法  
教清淨緣故非徧計所執自性最淨法界等  
流性故非依他起自性如是四法摠攝一切

清淨法盡此中有二頌

幻等說於生 說無計所執 若說四清淨  
是謂圓成實 自性與離垢 清淨道所緣  
一切清淨法 皆四相所攝

復次何緣如經所說於依他起自性說幻等  
喻於依他起自性爲除他虛妄疑故他復云

卷四

八

何於依他起自性有虛妄疑由他於此有如  
是疑云何實無有義而成所行境界爲除此  
疑說幻事喻云何無義心法轉爲除此疑  
說陽燄喻云何無義有愛非愛受用差別爲  
除此疑說所夢喻云何無義淨不淨業愛非  
愛果差別而生爲除此疑說影像喻云何無

義種種識轉爲除此疑說光影喻云何無義種種戲論言說而轉爲除此疑說谷響喻云何無義而有實取諸三摩地所行境轉爲除此疑說水月喻云何無義有諸菩薩無顛倒心爲辨有情諸利樂事故思受生爲除此疑說變化喻

世尊依何密意於梵問經中說如來不得生死不得涅槃於依他起自性中依偏計所執自性及圓成實自性生死涅槃無差別密意何以故即此依他起自性由偏計所執分成生死由圓成實分成涅槃故

阿毗達磨大乘經中薄伽梵說法有三種一

火所燒時於此識中所有真實圓成實自性顯現所有虛妄偏計所執自性不顯現是故此虛妄分別識依他起自性有彼二分如金土藏中所有地界

世尊有處說一切法常有處說一切法無常有處說一切法非常非無常依何密意作如

雜染分二清淨分三彼二分依何密意作如是說於依他起自性中偏計所執自性是雜染分圓成實自性是清淨分即依他起是彼二分依此密意作如是說於此義中以何喻顯以金土藏爲喻顯示譬如世間金土藏中三法可得一地界二土三金於地界中土非

是說謂依他起自性由圓成實性分是常由偏計所執性分是無常由彼二分非常非無常依此密意作如是說如常無常無二如是苦樂無二淨不淨無二空不空無二我無我無二寂靜不寂靜無二有自性無自性無二生不生無二滅不滅無二本來寂靜非本來

寂靜無二自性涅槃非自性涅槃無二生死  
涅槃無二亦如是等差別一切諸佛密意  
語言由三自性應隨決了如前說常無常等  
門此中有多頌

如法實不有 呈現非一種 非法非非法  
故說無二義 依一分開顯 或有或非有

依二分說言 非有非非有 如顯現非有  
是故說為無 由如是顯現 是故說為有  
自然自體無 自性不堅位 如執取不有  
故許無自性 由無性故成 後後所依止  
無生滅本寂 自性般涅槃

復有四種意趣四種秘密一切佛言應隨決

了四意趣者一平等意趣謂如說言我昔曾  
於彼時彼分即名勝觀正等覺者二別時意  
趣謂如說言若誦多寶如來名者便於無上  
正等菩提已得決定又如說言由唯發願便  
得往生極樂世界三別義意趣謂如說言若  
已逢事介所施伽河沙等佛於大乘法方能

嚴四

十

榮

解義四補特伽羅意樂意趣謂如為一補特  
伽羅先讚布施後還毀譬如於布施如是尸  
羅及一分修當知亦如是名為四種意趣  
四秘密者一令入秘密謂聲聞乘中或大乘  
中依世俗諦理說有補特伽羅及有諸法自  
性差別二相秘密謂於是處說諸法相顯三

自性三對治秘密謂於是處說行對治八萬  
四千四轉變秘密謂於是處以其別義諸言  
諸字即顯別義如有頌言  
覺不堅為堅 善住於顛倒 極煩惱所惱  
得最上菩提

若有欲造大乘法釋略由三相應造其釋一  
者由說緣起二者由說從緣所生法相三者  
由說語義此中說緣起者如說  
言熏習所生 諸法此從彼 異熟與轉識  
更互為緣生

復次彼轉識相法有相有見識為自性又彼  
以依處為相偏計所執為相法性為相由此

顯示三自性相如說

從有相有見 應知彼三相

復次云何應釋彼相謂偏計所執相於依他  
起相中實無所有圓成實相於中實有由此  
二種非有及有非得及得未具已具真者同

時謂於依他起自性中無偏計所執故有圓

嚴四

成實故於轉時若得彼即不得此若得此即

不得彼如說

成實於中有 故得及不得

依他所執無

成實於中有 故得及不得

其二平等

說語義者謂先說初句後以餘句分別顯示  
或由德處或由義處

由德處者謂說佛功德最清淨覺不二現行  
起無相法住於佛住逮得一切佛平等性到  
無障處不可轉法所行無礙其所安立不可  
思議遊於三世平等法性其身流布一切世  
界於一切法智無疑惑於一切行成就大覺  
於諸法智無有疑惑凡所現身不可分別一

切菩薩等所求智得佛無二住勝彼岸不相  
間雜如來解脫妙智究竟證無中邊佛地平  
等極於法界盡虛空性窮未來際最清淨覺  
者應知此句由所餘句分別顯示如是乃成  
善說法性

最清淨覺者謂佛世尊最清淨覺應知是佛

二十一種功德所攝謂於所知一向無障轉  
功德於有無無二相真如最勝清淨能入功  
德無功用佛事不休息住功德於法身中所  
依意樂作業無差別功德修一切障對治功  
德降伏一切外道功德生在世間不爲世法  
所礙功德安立正法功德授記功德於一切

世界示現受用變化身功德斷疑功德令入  
種種行功德當來法生妙智功德如其勝解  
示現功德無量所依調伏有情加行功德平  
等法身波羅蜜多成滿功德隨其勝解示現  
差別佛土功德三種佛身方處無分限功德  
窮生死際常現利益安樂一切有情功德無

盡功德等

復次由義處者如說若諸菩薩成就三十二法乃名菩薩謂於一切有情起利益安樂增上意樂故令入一切智智故自知我今何假智故摧伏慢故堅牢勝意樂故非假憐愍故於親非親平等心故永作善友乃至涅槃爲

嚴四

十二

榮

後邊故應量而語故含笑先言故無限大悲故於所受事無退弱故無厭倦意故聞義無厭故於自作罪深見過故於他作罪不瞋而誨故於一切威儀中恒修治菩提心故不憚異熟而行施故不依一切有趣受持戒故於諸有情無有恚礙而行忍故爲欲攝受一切

善法勤精進故捨無色界修靜慮故方便相應修般若故由四攝事攝方便故於持戒破戒善友無二故以殷重心聽聞正法故以殷重心住阿練若故於世雜事不愛樂故於下劣乘曾不欣樂故於大乘中深見功德故遠離惡友故親近善友故恒修治四梵住故常

遊戲五神通故依趣智故於住正行不住正行諸有情類不棄捨故言決定故重諦實故大菩提心恒爲首故如是諸句應知皆是初句差別謂於一切有情起利益安樂增上意樂此利益安樂增上意樂句有十六業差別應知此中十六業者一展轉加行業二無顛

倒業三不待他請自然加行業四不動壞業五無求染業此有三句差別應知謂無染繫故於恩非恩無愛恚故於生生中恒隨轉故六相稱語身業此有二句差別應知七於樂於苦於無二中平等業八無下劣業九無退轉業十攝方便業十一厭惡所治業此有二

嚴四

十三

徐

句差別應知十二無間作意業十三勝進行業此有七句差別應知謂六波羅蜜多正加行故及四攝事正加行故十四成滿加行業此有六句差別應知謂親近善士故聽聞正法故住阿練若故離惡尋恩故作意功德故此復有二句差別應知助伴功德故此復有

二句差別應知十五成滿業此有三句差別  
應知謂無量清淨故得大威力故證得功德  
故十六安立彼業此有四句差別應知謂御  
衆功德故決定無疑教授教誠故財法攝一  
故無雜染心故如是諸句應知皆是初句差  
別如說

由最初句故 句別德種類 由最初句故

句別義差別

攝大乘論本入所知相分第四

如是已說所知相入所知相云何應見多聞  
熏習所依非阿賴耶識所攝如阿賴耶識成  
種子如理作意所攝似法似義而生似所取

事有見意言

此中誰能悟入所應知相大乘多聞熏習相  
續已得逢事無量諸佛出現於世已得一向

決定勝解已善積集諸善根故善備福智資

糧菩薩

何處能入謂即於彼有見似法似義意言大

乘法相等所生起勝解行地見道修道究竟  
道中於一切法唯有識性隨聞勝解故如理  
通達故治一切障故離一切障故

由何能入由善根力所任持故謂三種相練  
磨心故斷四處故緣法義境止觀恒常殷重  
加行無放逸故

無量諸世界無量人有情剎那剎那證覺無  
上正等菩提是爲第一練磨其心由此意樂  
能行施等波羅蜜多我已獲得如是意樂我  
由此故少用功力修習施等波羅蜜多當得  
圓滿是爲第二練磨其心若有成就諸有障  
善於命終時即便可受一切自體圓滿而生

嚴四

十四

崇

我有妙善無障礙善云何余時不當獲得一  
切圓滿是名第三練磨其心  
此中有頌

人趣諸有情 處數皆無量 念念證等覺

故不應退屈 諸淨心意樂 能修行施等

此勝者已得 故能修施等 善者於死時

善者於死時

得隨樂自滿 勝善由永斷 圓滿云何無  
由離聲聞獨覺作意斷作意故由於大乘諸  
疑離疑以能永斷異慧疑故由離所聞所思  
法中我我所執斷法執故由於現前現住安  
立一切相中無所作意無所分別斷分別故  
此中有頌

現前自然住 安立一切相 智者不分別

得最上菩提

由何云何而得悟入

由聞熏習種類如理作意所攝似法似義有  
見意言

由四尋思謂由名義自性差別假立尋思及

由四種如實徧智謂由名事自性差別假立  
如實徧智如是皆同不可得故以諸菩薩如

是如實爲入唯識勤修加行即於似文似義  
意言推求文名唯是意言推求依此文名之  
義亦唯意言推求名義自性差別唯是假立  
若時證得唯有意言尔時證知若名若義自

歲四

十五

徐

性差別皆是假立自性差別義相無故同不  
可得由四尋思及由四種如實徧智於此似  
文似義意言便能悟入唯有識性

於此悟入唯識性中何所悟入如何悟入入  
唯識性相見二性及種種性若名若義自性  
差別假自性差別義如是六種義皆無故所

取能取性現前故一時現似種種相義而生  
起故如暗中繩顯現似蛇譬言如繩上蛇非真  
實以無有故若已了知彼義無者蛇覺雖滅  
繩覺猶在若以微細品類分析此又虛妄色  
香味觸爲其相故此覺爲依繩覺當滅如是  
於彼似文似義六相意言伏除非實六相義  
時唯識性覺猶如蛇覺亦當除遣由圓成實  
自性覺故

如是菩薩悟入意言似義相故悟入徧計所  
執性悟入唯識故悟入依他起性云何悟入  
圓成實性若已滅除意言聞法熏習種類唯  
識之想尔時菩薩已遣義想一切似義無容

得生故似唯識亦不得生由是因緣住一切

義無分別名於法界中便得現見相應而住  
余時菩薩平等平等所緣能緣無分別智已  
得生起由此菩薩名已悟入圓成實性此中  
有頌

法補特伽羅 法義略廣性 不淨淨究竟

名所行差別

如是菩薩悟入唯識性故悟入所知相悟入  
此故入極喜地善達法界生如來家得一切  
有情平等心性得一切菩薩平等心性得一

切佛平等心性此即名爲菩薩見道

復次爲何義故入唯識性由緣總法出世止

觀智故由此後得種種相識智故爲斷及相  
阿賴耶識諸相種子爲長能觸法身種子爲  
轉所依爲欲證得一切佛法爲欲證得一切  
智智入唯識性又後得智於一切阿賴耶識  
所生一切了別相中見如幻等性無倒轉是  
故菩薩譬如幻師於所幻事於諸相中及說

嚴四

十六

榮

因果常無顛倒

於此悟入唯識性時有四種三摩地是四種  
順波擇分依止云何應知應知由四尋思於  
下品無義忍中有明得三摩地是懦順波擇  
分依止於上品無義忍中有明增三摩地是  
頂順波擇分依止復由四種如實徧智已入

唯識於無義中已得決定有入真義一分三  
摩地是諦順忍依止從此無間伏唯識想有  
無間三摩地是世第一法依止應知如是諸  
三摩地是現觀邊

如是菩薩已入於地已得見道已入唯識於  
修道中云何修行於如所說安立十地攝一

切經皆現前中由緣總法出世後得止觀智  
故經於無量百千俱胝那庾多劫數修習故  
而得轉依爲欲證得三種佛身精勤修行聲  
聞現觀菩薩現觀有何差別謂菩薩現觀與  
聲聞異由十一種差別應知一由所緣差別  
以大乘法爲所緣故二由資持差別以大福

智二種資糧爲資持故三由通達差別以能  
通達補特伽羅法無我故四由涅槃差別攝  
受無住大涅槃故五由地差別依於十地而  
出離故六七由清淨差別斷煩惱習淨佛土  
故八由於自他得平等心差別成熟有情加  
行無休息故九由生差別生如來家故十由

嚴四

十七

徐

受生差別常於諸佛大集會中攝受生故十  
一由果差別十力無畏不共佛法無量功德

果成滿故

此中有二頌

其性應尋思

於二亦當推

名事互爲客

實智觀無義

唯有分別三

彼無故此無 是即入三性

復有教授二頌如分別瑜伽論說

菩薩於定位

觀影唯是心

義想既滅除

審觀唯自想

如是住内心

知所取非有

次能取亦無 後觸無所得

復有別五現觀伽他如大乘經莊嚴論說

福德智慧二資糧

菩薩善備無邊際

於法思量善決已

故了義趣唯言類

若知諸義唯是言

即住似彼唯心理

便能現證真法界

是故二相悉蠲除

體知離心無別物

由此即會心非有

智者了達二皆無

等住二無真法界

慧者無分別智力

周徧平等常順行

滅依榛梗過失聚

如大良藥銷衆毒

佛說妙法善成立

安慧井根法界中

了知念趣唯分別

勇猛疾歸德海岸

攝大乘論本彼入因果分第五

如是已說入所知相彼入因果云何可見謂

由施戒忍精進靜慮般若六種波羅蜜多云

何由六波羅蜜多得入唯識復云何六波羅

蜜多成彼入果謂此菩薩不著財位不犯尸

羅於苦無動於修無懈於如是等散動因中

不現行時心專一境便能如理簡擇諸法得

入唯識菩薩依六波羅蜜多入唯識已證得

六種清淨增上意樂所攝波羅蜜多是故於此設離六種波羅蜜多現起加行由於聖教得勝解故及由愛重隨喜欣樂諸作意故恒常無間相應方便修習六種波羅蜜多速得圓滿

此中有三頌

嚴四

十六

徐

已圓滿白法 及得利疾忍 菩薩於自乘  
甚深廣大教 等覺唯分別 得無分別智  
希求勝解淨 故意樂清淨 前及此法流  
皆得見諸佛 了知菩提近 以無難得故  
由此三頌總顯清淨增上意樂有七種相謂  
資糧故堪忍故所緣故作意故自體故瑞相

故勝利故如其次第諸句伽他應知顯示  
何因緣故波羅蜜多唯有六數成立對治所  
治障故證諸佛法所依處故隨順成熟諸有  
情故爲欲對治不發趣因故立施戒波羅蜜  
多不發趣因謂著財位及著室家爲欲對治  
雖已發趣復退還因故立忍進波羅蜜多退

還因者謂處生死有情違犯所生衆苦及於長時善品加行所生疲怠爲欲對治雖已發趣不復退還而失壞因故立定慧波羅蜜多失壞因者謂諸散動及邪惡慧如是成立對治所治障故唯立六數又前四波羅蜜多是不散動因次一波羅蜜多不散動成就此不

散動爲依止故如實等覺諸法真義便能證得一切佛法如是證諸佛法所依處故唯立六數由施波羅蜜多故於諸有情能正攝受由戒波羅蜜多故於諸有情能不毀害由忍波羅蜜多故雖遭毀害而能忍受由精進波羅蜜多故能助經營彼所應作即由如是攝

嚴四

十九

徐

利因緣令諸有情於成熟事有所堪任從此已後心未定者令其得定心已定者令得解脫於開悟時彼得成熟如是隨順成熟一切有情唯立六數應如是知

此六種相云何可見由六種最勝故一由所依最勝謂菩提心爲所依故二由事最勝謂

具足現行故三由處最勝謂一切有情利益安樂事爲依處故四由方便善巧最勝謂無分別智所攝受故五由迴向最勝謂迴向無上正等菩提故六由清淨最勝謂煩惱所知

二障無障所習起故若施是波羅蜜多耶設波羅蜜多是施耶有施非波羅蜜多應作四

句如於其施如是於餘波羅蜜多亦作四句

如應當知

何因緣故如是六種波羅蜜多此次第說謂前波羅蜜多隨順生後波羅蜜多故

復次此諸波羅蜜多訓釋名言云何可見於諸世間聲聞獨覺施等善根最爲殊勝能到彼岸是故通稱波羅蜜多又能破裂憚慄貧窮及能引得廣大財位福德資糧故名爲施又能息滅惡戒惡趣及能取得善趣等持故名爲戒又能滅盡忿怒怨讐及能善住自他安隱故名爲忍又能遠離所有懈怠惡不善法及能出生無量善法令其增長故名精進

又能消除所有散動及能引得内心安住故名靜慮又能除遣一切見趣諸邪惡慧及能真品別知法故名爲慧

云何應知修習如是波羅蜜多應知此修略有五種一現起加行修二勝解修三作意修四方便善巧修五成所作事修此中四修如

前已說成所作事修者謂諸如來任運佛事無有休息於其圓滿波羅蜜多復更修習六到彼岸又作意修者謂修六種意樂所攝愛重隨喜欣樂作意一廣大意樂二長時意樂三歡喜意樂四荷恩意樂五大志意樂六純善意樂若諸菩薩乃至若干無數大劫現證

嚴四

二十

徐

無上正等菩提經尔所時一一剎那假使頓捨一切身命以碗伽河沙等世界盛滿七寶奉施如來乃至安坐妙菩提座如是菩薩布施意樂猶無厭足經尔所時一一剎那假使三千大千世界滿中熾火於四威儀常乏一切資生衆具戒忍精進靜慮般若心恒現行

乃至安坐妙菩提座如是菩薩所有戒忍精進靜慮般若意樂猶無狀足是名善薩廣大意樂又諸菩薩即於此中無狀意樂乃至安坐妙菩提座常無間息是名菩薩長時意樂又諸菩薩以其六種波羅蜜多饒益有情由此所作深生歡喜蒙益有情所不能及是名

菩薩歡喜意樂又諸菩薩以其六種波羅蜜多饒益有情見彼於已有大恩德不見自身於彼有恩是名菩薩荷恩意樂又諸菩薩即以如是六到彼岸所集善根深心迴施一切有情令得可愛勝果異熟是名菩薩大志意樂又諸菩薩復以如是六到彼岸所集善根共諸有情迴求無上正等菩提是名菩薩純善意樂如是菩薩修此六種意樂所攝受重作意又諸菩薩於餘菩薩六種意樂修習相應無量善根深心隨喜如是菩薩修此六種意樂所攝隨喜意樂又諸菩薩深心欣樂一切有情六種意樂所攝六種到彼岸修亦願

嚴四

二十一

徐

自身與此六種到彼岸修恒不相離乃至安坐妙菩提座如是菩薩修此六種意樂所攝欣樂作意若有聞此菩薩六種意樂所攝作意修已但當能起一念信心尚當發生無量福聚諸惡業障亦當消滅何況菩薩此諸波羅蜜多差別云何可見應知一一各

有三品施三品者一法施二財施三無畏施戒三品者一律儀戒二攝善法戒三饒益有情戒忍三品者一耐怨害忍二安受苦忍三諦察法忍精進三品者一被甲精進二加行精進三無怯弱無退轉無喜足精進靜慮三品者一安住靜慮二引發靜慮三成所作事

靜慮慧三品者一無分別加行慧二無分別慧三無分別後得慧

如是相攝云何可見由此能攝一切善法是其相故是隨順故是等流故如是所治攝諸雜染云何可見是此相故是此因故是此果故

如是六種波羅蜜多所得勝利云何可見謂諸菩薩流轉生死富貴攝故大生攝故大朋大屬之所攝故廣大事業加行成就之所攝故無諸惱害性薄塵垢之所攝故善知一切功論明處之所攝故勝生無罪乃至安坐妙菩提座常能現作一切有情一切義利是名

勝利

如是六種波羅蜜多互相決擇云何可見世尊於此一切六種波羅蜜多或有處所以施聲說或有處所以戒聲說或有處所以忍聲說說或有處所以勤聲說或有處所以定聲說或有處所以慧聲說如是所說有何意趣謂

於一切波羅蜜多修加行中皆有一切波羅蜜多互相助成如是意趣

數相及次第 訓詞修差別 掛所治功德互決攝應知

光二

餘

攝大乘論本卷中

嚴四

翳眩下音縣目瘀於去反寐二反逼彼力  
捺落上音花也此云奴達反地微音紫耽音紫仰與皓同  
一月逮音代及也俱肱下珍遷反此云恒河也訾音紫  
除上音俱捺梗上音助秦反此云一千萬庾反羊主  
下音冤反荷恩上音胡可小粉猛反反偷有刺也怨讐音紫  
上音冤反荷恩上音胡可小粉猛反反偷有刺也怨讐音紫

何攝最

攝大乘論本卷下

嚴五

無著菩薩造 三藏法師玄奘奉 詔釋

彼修差別分第六

如是已說彼人因果彼修差別云何可見由菩薩十地何等爲十一極喜地二離垢地三發光地四焰慧地五極難勝地六現前地七

陳文生